



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Thronus Dei Maria Deipara**

**Spinelli, Pietro Antonio**

**Coloniæ Agrippinæ, 1696**

Henricus Infans Portugallia, & Indica navigatio, n. 38

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

gentem victoriam de Barbaris Deiparæ præsidio partam, de qua in tract. de Mirac.

HENRICUS INFANS PORTVGALIA, & Indica nauigatio.

*Henricus infans Lusitanie Deiparæ studio sissimus. P. Massæus*

*Hieronymus Oforius.*

**H**enricus Ioannis Lusitanie Regis eo nomine primi filius non solum bellica virtute: verum etiam vitæ sanctimonia illustris & in Deum, coelitesque omnes, ac beatissimam præcipue Dei Genitricem obseruantia fuit singulari: ac teste nostro Massæo liber. 1. hist. Indic. in summa corporis firmitate, tamquam licentia illibatam virginis florem ad extremum usque spiritum retinuisse creditur. quod de eo constanter affirmat etiam Hieronymus Oforius lib. 1. de rebus gestis Emmanuelis, is nova Orientis maria, & ignotas, ac longinquas terras explorandi cupiditate, & celesti etiam monito per quietem sibi facto incitatus anno à Christi natiuitate 1470. aliquot instructis, & adornatis nauibus aggredi cœpit, Coeli Reginam precatus, uti volens, ac propitia cœptis adesset. Itaque eius iussu Nearchi in singulos annos ad remotiora Africæ litora nauigantes, oras illas, atque regiones antea ignotas legentes usque ad Lexnam promontorium singulari Dei beneficio pervenerunt ad annum usque 1460. quo Henricus varias in nationes via Evangelio munito, Templisque aliquot in locis extructis, & præsertim illo, quod Deiparæ dicavit, quatuor passuum millibus Olissipone ad fauces portus, unde naues in Orientem solvunt, diem clausit extremum, eos animi magnitudinem Lusitanie Reges imitati novas terras exquirendi, & Christianæ fidei propagandæ studio ulterius progressi, tandem sub Emmanuele Rege anno 1498. in Indiam, & Calecutium usque pervenerunt. Quantum porro præsidij in hac Indica expeditione Lusitani in Deiparæ, quam hujus nauigationis patronam agnoscent, sibi ponendum existimant, ex eodem Massæo lib. 2. hist. Indic. facile cognosci potest: cum enim egisset de India à Vasco Gama tunc primum

explorata initio 2. lib. sic ait: Patet facta jam India primum omnium Emmanuel toto Regno supplicationes induxit: dein Maria Virgini ejus nauigationis Præsidij exiructam ab Henrico Principe adiculam in ipso aditu portus Olissiponenfis miram in amplitudinem extulit, auctusque, Ad ejus templi custodiam, & ceremonias, & naualis præsertim turba, Ducumque animos ritè expiandos eximia sanctitate monachi acciti à Hieronymiana familia, locus desumpto à Christo incunabili nomine Beulchem dictus, in primis totius Hispaniarum structura, dum religione visendus hæc Massæus. Quæ quidem omnia aliquantò fufidius referre libuit, tum ad pietatem Henrici Principis, & Emmanuelis Lusitanie Regis erga Virginem sanctissimam declarandam: tum ut Lusitanie in Indiam expeditionis initia, & incrementa ferè supra humanas vires deuidis tot validis hostium classibus, tot ferocissimorum barbarorum militum exercitiis profugatis, felices successus habuisse sub tantæ Præsidis patrocinio intelligamus: quo via ad lumen Evangelij, in barbaras illas, & efferas nationes, à nobis lingua, & moribus distinctissimas inferendum, appareret, ac muniretur. ut sicuti per ipsam Christum ad nos descendit, ita & per ipsam Christi cognitio, atque cultus, longè lateque ad plurimorum salutem in India disseminaretur. Qua in re multorum religiosorum ordinum labor, atque charitas in animabus illis ad Christum perducendis enituit. quid etiam in hoc præstiterit B. Franciscus Xaverius B. Ignatij Societatis Jesu fundatoris socius, vir Apostolico spiritu plenus, qui undecim, quibus in India vixit, annos, in toto ferè Oriente multo suo labore, ac vitæ discrimine, Christi Evangelium disseminavit: & Primus omnium in Iaponia, amplissima Insula, Christum annunciat, supra ex parte diximus. quid verò Societas nostra jam inde à sui ortus initio, & consequentium annorum spatio in India sub Deiparæ præsidio præstet, alijs dicendum relinquamus.

*B. Trani seu Ignatij*